

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 4. Pravilnika o kriterijima i raspodjeli novčanih sredstava za dodjelu novčane pomoći starijim osobama („Službene novine Kantona Sarajevo" broj 11/21, 6/22, 6/23, 13/24 i 28/25) i tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH", broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV za dodjelu novčane pomoći starijim osobama

1. PREDMET JAVNOG POZIVA

Predmet ovog Javnog poziva je dodjela:

- Stalne novčane pomoći za penzionere u stanju socijalne potrebe;
- Stalne novčane pomoći za lica u stanju socijalne potrebe koja su starija od 60. godina i bez primanja;
- Jednokratne novčane pomoći za kupovinu lijekova penzionerima i licima starijim od 60 godina bez primanja;
- Novčane pomoći za troškove kućne njege.

2. FINANSIJSKA SREDSTVA

Sredstva za dodjelu jednokratne pomoći raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu novčane pomoći starijim osobama („Službene novine Kantona Sarajevo" broj 11/21, 6/22, 6/23, 13/24 i 28/25) sa budžetskih pozicija:

- 614200 Ostali transferi pojedincima pomoć starijim osobama u pružanju kućne njege saradnja sa socijalnom ustanovom u iznosu od 70.000,00 KM
- 614200 Beneficije za socijalnu zaštitu Socijalne pomoći pojedincima participacija za nabavku hljeba i mlijeka za penzionere u iznosu od 435.000,00 KM
- 614200 Beneficije za socijalnu pomoć Socijalna pomoć pojedincima lica preko 60 godina starosti bez prava na penziju u iznosu od 83.000,00 KM
- 614200 Beneficije za socijalnu pomoć pomoć penzionerima za nabavku lijekova u iznosu od 60.000,00 KM

Planirani iznos sredstava za ove namjene u Budžetu Općine Centar Sarajevo za 2026. godinu iznosi 648.000 KM.

Minimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za dodjelu novčane pomoći starijim osobama („Službene novine Kantona Sarajevo" broj 11/21, 6/22, 6/23, 13/24 i 28/25) iznosi 200,00 KM.

Maksimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za dodjelu novčane pomoći starijim osobama („Službene novine Kantona Sarajevo" broj 11/21, 6/22, 6/23, 13/24 i 28/25) iznosi 5.000,00 KM.

Stalna novčana pomoć za penzionere sa minimalnom penzijom iznosi 100,00 KM dok stalna novčana pomoć za lica preko 60 godina starosti bez prava na penziju iznosi 150,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ DODJELE POMOĆI PUTEM JAVNOG POZIVA

Cilj lokalne zajednice je da kroz djelovanje u sistemu socijalne zaštite izdvajanjem budžetskih sredstava obezbijedi bolje uvjete za kvalitetniji život starijih osoba te poboljša njihov položaj u društvu.

4. UVJETI ZA OSTVARIVANJE PRAVA NA NOVČANU POMOĆ

Uvjeti za ostvarivanje prava na stalnu novčanu pomoć su :

- a) da podnosilac zahtjeva ima prebivalište na području općine Centar Sarajevo od najmanje jedne godine do dana podnošenja zahtjeva ili boravište po osnovu statusa raseljene osobe;
- b) da je podnosilac zahtjeva penzioner ili lice starije od 60. godina bez primanja;
- c) da ukupna primanja porodičnog domaćinstva podnosioca zahtjeva ne prelaze iznos minimalne penzije ostvarene u FBiH prema posljednjim statističkim pokazateljima, s tim da se kao primanja ne računaju primanja ostvarena po osnovu priznatih prava čije je rješavanje u nadležnosti kantonalnog Centra za socijalni rad i to po osnovu utvrđenog: prava na tuđu njegu i pomoć, prava na topli obrok putem Javne kuhinje, prava na ličnu invalidninu, prava na stalnu novčanu pomoć;
- d) da nitko od članova porodičnog domaćinstva podnosioca zahtjeva nije vlasnik preduzeća, samostalne ili dopunske djelatnosti;
- e) da podnosilac zahtjeva nema riješeno stambeno pitanje;
- f) ukoliko je stambeno pitanje riješeno, da podnosilac zahtjeva nije vlasnik stana u zgradi kolektivnog stanovanja većeg od 50m² za jednočlano domaćinstvo a ukoliko se radi o višečlanom domaćinstvu za svakog narednog člana dodaje se 10m² po članu;
- g) ukoliko je stambeno pitanje riješeno, da podnosilac zahtjeva nije vlasnik stana u individualnom stambenom objektu većeg od 60m² za jednočlano domaćinstvo a ukoliko se radi o višečlanom domaćinstvu za svakog narednog člana dodaje se 15m² po članu.

Uvjeti za ostvarivanje prava na jednokratnu novčanu pomoć za kupovinu lijekova su :

- a) prebivalište na području općine Centar Sarajevo od najmanje jedne godine do dana podnošenja zahtjeva ili boravište po osnovu statusa raseljene osobe;
- b) da je podnosilac zahtjeva penzioner ili lice starije od 60. godina bez primanja;
- c) da se lijek za koji se traži jednokratna novčana pomoć ne finansira ili djelimično sufinansira putem Zavoda zdravstvenog osiguranja;
- d) da ukupna primanja porodičnog domaćinstva podnosioca zahtjeva ne prelaze iznos dvije minimalne penzije ostvarene u FBiH prema posljednjim statističkim pokazateljima;

Uvjeti za ostvarivanje prava na novčanu pomoć za troškove kućne njege su:

- a) da podnosilac zahtjeva ima prebivalište na području općine Centar Sarajevo najmanje jednu godinu do dana podnošenja zahtjeva ili boravište po osnovu statusa raseljene osobe;
- b) da je podnosilac zahtjeva penzioner ili lice starije od 60. godina bez primanja;
- c) da ukupna primanja porodičnog domaćinstva podnosioca zahtjeva ne prelaze iznos dvije minimalne penzije ostvarene u FBiH prema posljednjim statističkim pokazateljima, s tim da se kao primanja ne računaju primanja ostvarena po osnovu priznatih prava čije je rješavanje u nadležnosti kantonalnog Centra za socijalni rad i to po osnovu utvrđenog: prava na tuđu njegu i pomoć, prava na topli obrok putem Javne kuhinje, prava na ličnu invalidninu, prava na stalnu novčanu pomoć;
- d) da je podnosiocu zahtjeva putem nadležnog Centra za socijalni rad utvrđeno pravo na tuđu njegu i pomoć od strane druge osobe ili da ima preporuku JU Dom zdravlja Kantona Sarajevo da radi prirode bolesti odnosno stanja u kojem se nalazi ima potrebu za pružanjem usluga kućne njege od strane drugog lica.
- e) Da podnosilac zahtjeva ima preporuku „Centra za mentalno zdravlje“ -JU Dom zdravlja Kantona Sarajevo.

NAPOMENA: Lica koja imaju najmanje godinu dana prebivališta na području općine Centar Sarajevo, a koja zbog terminalne faze bolesti imaju preporuku o potrebi kućne njege od JU Dom zdravlja Kantona Sarajevo, mogu ostvariti pravo na izuzetnu novčanu pomoć za troškove kućne njege u iznosu od 5.000,00 KM.

5. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

a) Za stalnu novčanu pomoć

- kućna lista;
- dokaz da je podnositelj zahtjeva penzioner ili lice preko 60 godina bez primanja;
- dokaz o visini primanja za sve punoljetne članove domaćinstva;
- dokaz o kvadraturi stambene jedinice ;
- medicinska dokumentacije za oboljele članove porodičnog domaćinstva;
- tekući račun podnosioca zahtjeva.

b) Za jednokratnu novčanu pomoć za kupovinu lijekova

- kućna lista;
- dokaz da je podnositelj zahtjeva penzioner ili lice preko 60 godina bez primanja;
- dokaz o visini primanja za sve punoljetne članove domaćinstva;
- preporuka nadležnog ljekara o potrebi korištenja određenog lijeka;
- predračun apoteke za lijek koji je potreban a koji se ne finansira ili sufinansira putem Zavoda zdravstvenog osiguranja KS.

c) Za novčanu pomoć za troškove kućne njege

- dokaz da je podnositelj zahtjeva penzioner ili lice preko 60 godina bez primanja;
- dokaz o visini primanja za sve punoljetne članove domaćinstva;
- rješenje nadležne Službe socijalne zaštite/Centar za socijalni rad o priznatom pravu na tuđu njegu i pomoć od strane druge osobe ili preporuka JU Dom zdravlja Kantona Sarajevo-Centar za mentalno zdravlje o potrebi za uslugama kućne njege za podnosioca zahtjeva.

6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Općina zadržava pravo da izmjeni iznos planiranih sredstava u skladu sa izmjenama budžetskih dokumenata u toku godine.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 do 60 dana od dana podnošenja riješiti zahtjev i o tome obavijestiti podnosioca.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Korisnici koji ostvare pravo po ovom Javnom pozivu , dužni su dodijeljena finansijska sredstva pravdati na način koji će biti utvrđen zaključkom Općinskog načelnika.

Podnositelj zahtjeva može istaći prigovor na akt kojim je riješen zahtjev u roku od 8 dana od dana prijema. O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 30 dana od dana ulaganja prigovora odlučiti o istom.

Dodatne informacije se mogu dobiti na broj telefona: 033/562-447.

Općinski načelnik

Srđan Mandić